

Y Cyfarfod Llawn

Dyddiad y cyfarfod:
Dydd Mercher, 21 Mawrth 2012

Amser y cyfarfod:
13:30

Cynulliad
Cenedlaethol
Cymru

National
Assembly for
Wales



Agenda (55)v2

1. Cwestiynau Cyllid i'r Gweinidog Cyllid ac Arweinydd y Ty (45 munud)

[Gweld y cwestiynau](#)

2. Cwestiynau i'r Gweinidog Busnes, Menter, Technoleg a Gwyddoniaeth (45 munud)

[Gweld y cwestiynau](#)

3. Cynnig i gymeradwyo protocol ynghylch newidiadau i'r cynnig cyllidebol (15 munud)

NDM4948 Jocelyn Davies (Dwyrain De Cymru)

Cynnig bod Cynulliad Cenedlaethol Cymru:

Yn cymeradwyo'r Protocol ynghylch Newidiadau i Gynnig y Gyllideb, a gytunwyd rhwng Llywodraeth Cymru a'r Pwyllgor sy'n gyfrifol am y swyddogaethau a nodir yn Rheol Sefydlog 19.

Gosodwyd y Protocol ynghylch Newidiadau i Gynnig y Gyllideb gerbron y Cynulliad ar 14 Mawrth 2012.

Dogfen Ategol:

[Protocol ynghylch newidiadau i gynnig y Gyllideb](#)

4. Cynnig i ddirymu Gorchymyn Awdurdodau Lleol Ynys Môn (Newid Blynnyddoedd Etholiadau Cyffredin) 2012 (30 munud)

NDM4940

Peter Black (Gorllewin De Cymru)
Aled Roberts (Gogledd Cymru)

Cynnig bod Cynulliad Cenedlaethol Cymru, yn unol â Rheol Sefydlog 27.2:

Yn cytuno bod Gorchymyn Awdurdodau Lleol Ynys Môn (Newid Blynnyddoedd Etholiadau Cyffredin) 2012, a osodwyd gerbron y Cynulliad ar 6 Mawrth 2012, yn cael ei ddirymu.

Dogfennau Ategol:

[Gorchymyn Awdurdodau Lleol Ynys Môn \(Newid Blynnyddoedd Etholiadau Cyffredin\) 2012](#)

[Memorandwm Esboniadol \(Saesneg yn unig\)](#)

[Adroddiad y Pwyllgor Materion Cyfansoddiadol a Deddfwriaethol](#)

5. Dadl y Ceidwadwyr Cymreig (60 munud)

NDM4946 William Graham (Dwyrain De Cymru)

Cynnig bod Cynulliad Cenedlaethol Cymru:

1. Yn nodi pwysigrwydd llywodraeth leol yn gweithredu mewn modd sy'n dryloyw ac yn atebol i'r bobl y mae'n eu cynrychioli;
2. Yn credu y byddai cyflwyno refferenda ar gynnydd arfaethedig uwch na 3.5 y cant yn y dreth gyngor flynyddol yn gwella tryloywder, atebolrwydd a democratiaeth yng Nghymru; a
3. Yn croesawu camau a gymerir gan rai awdurdodau lleol yng Nghymru i gyhoeddi pob gwariant dros £500.00, ac yn annog pob awdurdod lleol yng Nghymru i sicrhau bod y wybodaeth hon ar gael i'r cyhoedd.

Cyflwynwyd y gwelliannau a ganlyn:

[os derbynnir gwelliant 1, bydd gwelliannau 2 a 3 yn cael eu dad-ddethol]

Gwelliant 1 – Jane Hutt (Bro Morgannwg)

Dileu pwynt 2 ac yn ei le rhoi:

Yn cydnabod bod pennu'r dreth gyngor yn fater i awdurdodau lleol unigol a bod y tryloywder a'r atebolrwydd yn cael eu cynnal drwy'r blwch pleidleisio bob pedair blynedd.'

[Os derbynnir gwelliant 2, bydd gwelliant 3 yn cael ei ddad-ddethol]

Gwelliant 2 – Jocelyn Davies (Dwyrain De Cymru)

Ym mhwynt 2 dileu popeth cyn 'yn gwella' a rhoi yn ei le 'Yn credu y byddai cyflwyno system Pleidlais Sengl Dros-glwyddadwy ar lefel llywodraeth leol'

Gwelliant 3 – Peter Black (Gorllewin De Cymru)

Mewnosod ar ddiwedd pwynt 2 ‘ond yn credu, wrth i deuluoedd cyffredin wynebu cyfnod anodd, nad yw cost uwch cynnal refferenda lleol yn flaenoriaeth’.

Gwelliant 4 – Jane Hutt (Bro Morgannwg)

Dileu pwynt 3 ac yn ei le rhei:

‘Yn croesawu camau a gymerir gan gynghorau yng Nghymru i sicrhau mwy o dryloywder ond yn cydnabod bod angen gwneud yn siwr fod y beichiau gweinyddol a roddir ar awdurdodau lleol yn sgîl mwy o dryloywder yn gymesur â hynny.’

6. Dadl Plaid Cymru (60 munud)

NDM4945 Jocelyn Davies (Dwyrain De Cymru)

Cynnig bod Cynulliad Cenedlaethol Cymru:

Yn credu y byddai datganoli rhagor o bwerau yn helpu i sicrhau economi gynaliadwy a ffyniannus.

Cyflwynwyd y gwelliannau a ganlyn:

Gwelliant 1– William Graham (Dwyrain De Cymru)

Ychwanegu pwynt newydd ar ddiwedd y cynnig:

Yn croesawu gwaith Comisiwn Silk ac yn disgwyl ei argymhellion ar ragor o ddiwygio cyfansoddiadol.

Gwelliant 2 – William Graham (Dwyrain De Cymru)

Ychwanegu pwynt newydd ar ddiwedd y cynnig:

Yn cydnabod bod economi gynaliadwy a ffyniannus yn galw am:

- a) strategaeth i hyrwyddo busnesau cynhenid ar y farchnad ryngwladol; a
- b) ymgysylltiad llawn â Llywodraeth y DU i hyrwyddo'r cwmnïau hynny o'r DU sydd â sefydliadau yng Nghymru.

Gwelliant 3 – Peter Black (Gorllewin De Cymru)

Ychwanegu pwynt newydd ar ddiwedd y cynnig:

Yn croesawu'r Comisiwn ar Ddatganoli yng Nghymru a sefydlwyd gan lywodraeth y DU i edrych ar ddatblygiad pellach o ran datganoli pwerau gan gynnwys cyfrifoldeb

ariannol.

7. Dadl Democratiaid Rhyddfrydol Cymru (60 munud)

NDM4947 Peter Black (Gorllewin De Cymru)

Cynnig bod Cynulliad Cenedlaethol Cymru:

1. Yn gresynu wrth yr ystadegau newydd sy'n dangos bod Cynnyrch Mewnwladol Crynswth y pen yng Ngorllewin Cymru a'r Cymoedd wedi gostwng o 79 y cant i 68.4 y cant o gyfartaledd yr UE;
2. Yn nodi bod yr ystadegau hynny wedi cael eu mesur yn gyson o flwyddyn i flwyddyn ac ar draws gwahanol ranbarthau a gwledydd yr UE; a
3. Yn galw ar Lywodraeth Cymru i gyhoeddi strategaeth datblygu economaidd ar gyfer Gorllewin Cymru a'r Cymoedd ar fyrder er mwyn sicrhau, pe byddai Cymru'n gymwys ar gyfer cylch ychwanegol o gyllid, y gall prosiectau sy'n canolbwyntio ar ysgogi twf economaidd ddechrau ar unwaith.

Cyflwynwyd y gwelliannau a ganlyn:

Gwelliant 1 – Jane Hutt (Bro Morgannwg)

Dilewch bwynt 3 a rhoi yn ei le:

'Yn nodi bod Llywodraeth Cymru law yn llaw â'i phartneriaid yn paratoi strategaethau a hefyd brosiectau posibl i'w darparu yng nghyfnod Rhaglen 2014–2019 y Cronfeydd Strwythurol, sydd ar ein gwarthaf, hynny ynghyd â'r gyfres o weithgareddau sydd wrthi'n cael eu cynnal i helpu adfywiad economaidd y Gorllewin a'r Cymoedd a'r Dwyrain.'

Gwelliant 2 – William Graham (Dwyrain De Cymru)

Ychwanegu pwynt newydd ar ddiwedd y cynnig:

Yn cydnabod bod sector preifat cryf yn hanfodol er mwyn hybu twf economaidd yn rhannau tlotaf Cymru.

Cyfnod Pleidleisio

8. Dadl Fer (30 munud)

NDM4944 Joyce Watson (Canolbarth a Gorllewin Cymru):

Rhagdalw'r pris am drydan a nwy.

A ddylai cwmnïau ynni sicrhau bod y cartrefi tlotaf ar y tariffau isaf sydd ar gael?

Cynhelir Cyfarfod Llawn nesaf y Cynulliad am 13:30, Dydd Mawrth, 27 Mawrth 2012